



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Liber Theologiæ Moralis, Viginti Qvatvor Societatis Iesv
Doctoribvs Reseratvs**

**Escobar y Mendoza, Antonio de
Lvgdvni, 1659**

II. De interdicti effectibus.

urn:nbn:de:hbz:466:1-41066

520 *Moralis Theologiae Tract. IV. Censura,*
libet potest, qui hab excommunicatione soluit nemini re-
seruata.

C A P V T I I .

De Interdicti effectibus.

12. *Interdicti effectus recense.* Tres quidem sunt, Sacra-
mentorum scilicet, Officiorum diuinorum, & Ecclesiastice
sepultræ priuatio.

13. *Primum effectum explana.* Primus effectus interdicti
est eorum Sacramentorum priuatio, quæ iure excepta no-
sunt. *Quænam aures sunt iure excepta Sacra menta?* 1. Bap-
tismus exceptus est, etiam si solemniter conferatur. 2. Confi-
matio. 3. Pœnitentia iure antiquo solis ægrotantibus con-
cede batur: at novo cap. *Alma mater* etiam sanis quibuscumque
permittitur, modo specialiter interdicti non sint, aut excom-
municati. 4. Communio per modum viatici conferri potest:
is tamen qui personaliter speciatim esset interdictus, ante
Eucharistiam satisfactionem præmittere debet, & ab inter-
dicto absolui. Porro extra mortis articulum conferri non
potest. Scio probabiliter dari posse Clericis iis, qui diuinis
officiis possunt interesse. 5. Extrema-vnctio tempore inter-
dicti absolute est prohibita: vt etiam Ordo, & Matrimo-
nium. Verum Matrimonium sine solemni benedictione per-
mitti posse probabiliter defendo.

14. *Quodnam peccatum, in materia Sacramentorum inter-
dictum violare?* Mortale crimen est, & Clerici si illud in mi-
nisterio Sacramentorum violent, fiunt irregulares. Religio-
verò & Moniales si generale interdictum non seruent, ipso
iure sunt excommunicati.

15. *De secundo interdicti effectu differe.* Secundus effectus
diuinorum officiorum priuatio est. Antiquo iure Missa sin-
gulis hebdomadis, ad Eucharistiam pro infirmis confiden-
dā, in Ecclesiis singulis permittebatur: Horæ Canonicae in
Ecclesia à binis vel ternis submissa voce, ianuis clausis & ex-
communicatis exclusis, poterant recitari. Nouo autem iure
tempore interdicti localis generalis, vt in singulis diebus
Missæ celebrari possint, concessum est, & alia diuina officia
sicut prius, campanis tamen non pulsatis. Laici, qui nec ex-
communicati, nec interdicti specialiter sunt, ab officiis diuini-
nis excluduntur; nisi priuilegio fruantur. *Quod si locale in-*
terdictum

terdictum speciale sit, tantum priuata Missa semel hebdomada, ut olim dici poterit, si modò Ecclesia illa talis sit, vt in ea pro infirmis Eucharistia afferuetur. Personæ interdictæ sive generaliter, sive specialiter, in nullo loco celebrare, vel afflittere sacro possunt, exceptis Festiuitatibus quatuor, Natalis Domini, Paschæ, Pentecostes, & Assumptionis Deiparæ.

16. Potest ne interdicti Sacerdotis Missa exaudiri? Potest, etiamsi nominatum sit interdictus, modò ad eam faciendam cooperatio vitetur.

17. Quenam igitur diuina officia prohibentur? Omnia illa, que substantialiter diuina sunt, & non nisi ab Ecclesiæ ministris exercentur. Vnde affirmo generalem confessionem, Angelicam salutationem, benedictionem mensæ, Crucis adorationem priuatam, officia recitari solita à confraternitatibus, animæ commendationem, prædicationem, purificationem mulierum post partum, & similia officia permitti tempore interdicti.

18. Quódnam peccatum est interdictum in diuinorum officiorum materia violare? Mortale quidem ex genere suo in Ecclesiasticis, & laicis. Ecclesiastici autem præterea si proprium ordinis actum exerceant, incurrit irregularitatem, & electionis passiuæ priuationem.

19. Tertium denique interdicti effectum euolue. Tertius effectus Ecclesiasticæ sepulturae priuatio est. Per interdictum generale loci prohibitum est, ne quis in eo loco Ecclesiastica sepultura amandetur, nisi per priuilegium à iure, vel ab homine sit exempta persona.

20. Num Clerici eidem iuri subiaceant? Clerici, qui seruunt interdictum, nec illi causam dederunt, in Ecclesiis sepeliri possunt antiquo iure, cum silentio: nouo, cum officio adhibita moderatione cap. Alma mater.

21. Priuilegiatus quis est ad diuina: potest ne consequenter Ecclesiastica sepultura frui? Non hoc ipso in sacro loco ex probabiliori sententia potest tumulari.

22. Vbinam laici sepeliendi tempore interdicti? In cœmitorio per Episcopum deputato, non tamen benedicto, postea quidem transferendi in Ecclesiam interdicto cessante, modò penitentes decesserint, qui culpabiles fuerant. Porro quæ dixi in generali interdicto, potiori iure in speciali procedunt.

23. Quid si interdictum sit personale? Si speciale, certum est eas personas sic interdictas Ecclesiastica sepultura priuatas esse. Si generale, probabile est in sacro loco eas posse sepeliri.

524 Moral. Theologia Tract. IV. Censura.

24. Interdicitur ingressus Ecclesie. Ad officia tantum una participanda ingressum prohibitum esse reor, inter quae etiam Ecclesiasticam sepulturam contineri. Filiuum confirmat.

25. Quodnam peccatum est in hac materia interdictu violare? Ex suo genere lethale peccatum. Vnde prenecessaria communicationis etiam incurruat, qui aliquem in loco interdicto sepeliant.

26. De interdicti suspensione quid? Tribus modis suspenditur. 1. Generali priuilegio, ut in Natali Domini, Pascha, Pentecoste, Assumptione Deiparæ, Festiuitate Corporis Christi, & per totam octauam, Festo Conceptionis B. Virginis, & per totam octauam in Hispania. 2. Particulari priuilegio suspenditur à Sede Apostolica multis Religiosis concessu. 3. Per iudicis sententiam, v. gr. Papæ, Legati à latere Episcopi, si à se ratum sit, & inferiorum etiam Prælatorum eodem modo.

C A P V T I I I .

De Interdictis in particulari.

27. **Q**uotnam in casibus interdictum locale generale à iure latum est. Septem. 1. Si rector ciuitatis, ubi mortuus Papa, non faciat contenta cap. ubi periculum, de elect. in 6. Si dominus terræ iniuriosè Episcopum percutiat, vel percom mandet. 3. Si Legatum vel Nuncium Apostolicum in suo impedit officio. 4. Si personæ Ecclesiæ manifestis vñfuranis domos concedant. Post mensem enim, in quo percussi sunt excommunicatione, ipsorum terræ sunt interdicta. 5. Si ciuitas exigat gabelas à personis Ecclesiasticis de rebus ipsarum exportandis. 6. Si consentiat Cardinalis neci, vel infra mensem non puniat in cunctis delinquentes. 7. Si Episcopum iniuriosè bannierit, occiderit.

28. Locale speciale quotnam in casibus incurritur? Tribus. 1. Si in eo loco per vim Episcopus detineatur. 2. Si Clerici non restituerint infra dies decem funeralia Ecclesiæ, in qua de iure sepeliendus erat is, quem induxerunt ad vouchendum, ut eligeret sepulturam in sua. 3. Si hæreticus scienter in Ecclesia sepeliatur.

29. Interdictum autem personale generale quotnam in casibus incurritur? Nouem. 1. Si vniuersitates alienigenis vñfuranis